



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 47. De traditione Immadi comitis bonorum in villa Lithingi in pago Falhen, nec non de comitibus Thuring et Amalung.

**urn:nbn:de:hbz:466:1-36114**

Ab anno  
826 usque  
853 im-  
perante  
Hudo-  
uico et

## §. 47.

Tradidit *immadus comes* (b) quiddid habuit in uilla *lithingi* (c) in pago *falcken* testef *thuring comes* (d) *amalung comes* (e) fime bado uuilheri tanchard ethelin uuulhard uulfmer thiadric bernhard hildiuuard reinheri albmer.

## §. 48.

Tradiderunt duo fratres *arnulf* et *beiu* pro patre suo *meinulfo* quiddid habuerunt in *scherua* (f) testef bodo fibold uuicmer eilhard *uuicric* herimer *bennic*

Waldge-  
resleuo.

fuerit non liquet. Testante nostro Registro ea erat in *Northburingia*. Similitudinem eadem villa habet cum Fallersleben, quarum altera olim fuit haud ubi procul Helmstadio, altera non procul ab oppido Afchersleben. Felgeleben iacet inter Salza et Barby, atque hæc nostra villa uidetur.

(b) De comite *Immado* vid. supra §. 4. not. (h) et §. 42. not. (s) ubi diximus, eum probabiliter ad stemma Widikindeum esse referendum. Fortassis *Immado* hic filius *Widekindi* natu maximus erat. Et sane illustris Jo. Georg. ab *Eccard*, si adhuc in uiuis foret, de hoc minime dubitaturus esset.

(c) De pago *Falben* intra ducatum Brunswicensem et episcopatum Hildesensem uide supra §. 35. not. (D) ubi, *Lithingi* villam, *Ledingen* in ducatu Brunswicensi vicum in inspectione *Barum* esse, asseruimus.

(d) De comite *Thuringo* vid. supra §. 42. not. (P) (Q) et (R)

De comi-  
te *Amalungo*.

(e) *Amalungum* comitem inter progenitores ducis Saxonie *Hermanni Billingi* esse referendum, infra §. 92. et §. 125. demonstrabimus. An *comes Amalung* hoc tempore comitatum suum habuerit vel in pago *Falben*, vel in pagis eidem contiguis, *Salgeue* et *Flotvita*, de quibus infra copiosius, non liquet.

De villa  
*Scherua*  
et *S. Meinulfo*.

(f) Supra §. 41. Bruno quidam, quem, quantum coniectura auguramur, fratrem ducis *Ecberti* fuisse asseruimus, in villa *Scherua* duas partes mansi tradiderat. Iam addunt *Arnulf Beiu* et *Aldger* quaedam, et infra §. 77. *Wichmannus* quidam, et §. 327. *Thiadhardo* etiam, ita large et effuse eadem ex villa sua munera cumulant, ut tandem abbatia nostra officium quoddam in villa eadem acquisuerit, de quo in *Historia Corbeicensi* fusius agemus. Iam quæri potest, quisnam hic *Meinulfus* fuerit, pro quo filii bona sua in *Scherua* tradiderunt. Quodsi adfirmamus, *Meinulfum* fuisse filium *Brunonis* Angariorum ducis, apertissime et planissime statim quætionem motam explicasse uideamus. Sed ulterius quærendo instari potest, an hic *Meinulfus* a *S. Meinulfo*, conditore monasterii *Bodecensis* in episcopatu *Paderbornensi*, diuersus fuerit? Ut ergo rem obscuram et tenebrosam, nec omnibus satis perspectam, patefaciamus, quærendum est primo, quisnam *S. Meinulfus* fuerit, ut planum fiat, an ille cum nostro *Meinulfo* vnus idemque sit, nec ne. Audiamus ergo primum *Gobelinum Perfonam* in *Cosmodromio* ætate VI. cap. 40. Tom. I. *Script. Rer. German.* *Meibomii* f. 240. ita differentem: *Carolus postquam Westphalos subegit, S. Meinulphum de fonte leuauit, et matrem eius Wichtrud dictam, patre eius iam defuncto, in suam protectionem recepit: quoniam frater mariti defuncti vim stupri sibi conabatur inferre. Hic Meinulphus nobilibus parentibus exortus, archidiaconus in ecclesia Paderbornensi, de bonis paternis monasterium monialium, seu canonicarum regularium, in villa *Vodicken* (lege *Bodicken*) *Paderbornensis* diocesis, fundauit et dotauit, quod usque ad tempora nostra perdurauit: nunc uero non hostium incursum forinsecum, sed tinea attenuatum intrinseca, desolationi proximum est. Meinulphus post mortem et in uita miraculis claruisse legitur; et natalis dies eius quinta die mensis octobris in diocesi *Paderbornensi* celebratur. Hæc cum dictis conferenda est uita *D. Meinulfi*, quæ apud *Browerum* in *Siderib. Illustrib.* et *Surium* ad V. octobr. exstat, itemque *S. Meinulfi* *Uita Sigewardi*, quam possideo *MS&C*am. Ex hæc patet, *S. Meinulfum* circa annum 776 uel seqq. natum esse patre, e prima nobilitate *Angaria* potentissimo, et matre splendidissima *Wichtrud*, ad quam patre *Meinulfi* defuncto, cum fratre eius, (an *Widekindus* a nobis infra §. 104. not. (n) memoratus?) numina fletorque Deos*